


"KINA" - SAMOSTALNA IZLOŽBA FOTOGRAFIJA SLOBODANA KRSTIĆA



Izložbom fotografija sa boravka u Kini kojoj je dao i simboličan naziv "čudesna Kina" ponovo se bijeljinskoj publici predstavio Slobodan Krstić sa fotografijama jednomjesečnog boravka u ovoj zemlji, gdje je bio gost Kineske asocijacije umjetničkih fotografa (IUP). Prema riječima autora, neopisiv je osjećaj bio boravak u Kini te iskoristiti ga za obilazak njenih gradova, ribarskih naseobina i uličnih svakodnevnih dešavanja, gdje na svakom ug-

lu dominira azijski čovjek. Oduševljenje autora dalekim nepoznatim svijetom, primijetila je i istoričarka umjetnosti Ifigenija Vasilicić, koja je u svojoj recenziji, povodom otvaranja izložbe, napisala: "Kina je izvjesno za svakog Zapadnjaka velika tajna. Svi je možemo samo zamišljati, na osnovu onoga što znamo o njoj". Na otvaranju izložbe o samom događaju par napomena dao je rukovodilac Umjetničke galerije Milijanko Miholjčić, dok je o autoru i izloženim fotografijama govorio Ozren Božanović predsjednik AUFBiH, koji je posebno istakao da je Krstić još jednom pokazao da posjeduje "oko" za pronalaženje motiva, ono što su kritičari davno nazvali Krstićevim okom koje vidi i bilježi.

Izložbu je otvorio gradski menadžer Miloš Stevanović, koji je posebno istakao : "Duh jednog Grada se, između ostalog, ogleda i u njegovom odnosu prema kulturi i Gradska uprava nastavlja da podržava kulturne manifestacije. U Bijeljini imamo veliki



broj vrhunskih umjetnika, među kojima je i gospodin Krstić. Vjerujemo da će građani i o-vaj put prepoznati kvalitet ove izložbe i posjetiti je u velikom broju".

Već po tradiciji izložba je postavljena u atraktivnom galerijskom prostoru bijeljinskog Centra za kulturu što je nesumljivo pridonijelo opštem kvalitetnom utisku, a posebno treba pohvaliti organizatora na popriličnom odzivu sredstava informisanja.



7. MEĐUNARODNA IZLOŽBA FOTOGRAFIJA "FOTO EMOCIJA" BANJA LUKA

BANJA LUKA
EXHIBITION OPENING JULY 19th 2018 AT 21:00
HALL OF CULTURAL CENTER
BANJA LUKA
OTVARANJE IZLOŽBE 19.07.2018. U 21:00
ART DVORIŠTE KULTURNOG CENTRA
www.ufkk.rs.ba

U organizaciji Univerzitetskog foto kino kluba u Banjaluci je sredinom jula otvorena je 7. međunarodna izložba fotografija FOTO EMOCIJA 2018. Već sama konstatacija da se radi o sedmoj izložbi govori dovoljno o tradiciji

koju banjalučki klub želi stvoriti kada su u pitanju izložbe fotografija.

Na otvorenoj sceni ART DVORIŠTA Kulturnog centra Banski dvor u jednom za fotografске prilike "drugačijem" i nesvakidašnjem ambijentu prezentirana je projekcija primljenih i nagrađenih radova na izložbi pripremljena i odradena na najprofesionalnijem nivou. Uz već tradicionalno veliki broj posjetilaca i ljuditelja fotografije koji su popunili Art dvorište čitav događaj je izgledao kvalitetno i dostojanstveno. Publika je mogla je da uživa u fotografijama najeminentnijih svjetskih autora iz 47 zemalja, od blizu 3500 radova koji su pristigli na četiri ovogodišnje teme izložbe (slobodna kolor, slobodna monohrom, emocija i foto travel). Žiri u sastavu: Milorad Kašćelan, MF AUFBiH, EFIAP/b, Ozren Božanović, KMF AUFBiH, AFIAP i Dejan Selaković, A-FIAP je izvršio izbor fotografija koje su se našle na izložbi i u svakoj temi dodijelio nagrade radovima koji su se izdvojili svojim kvalitetom. Iz projekcije bilo je vidljivo da se pri ovakvoj konkurenciji žiri morao dobro pozabaviti da bi donio konačnu odluku.

Prisutnima se na početku obratio Milorad Kašćelan, predsjednik Kluba koji je dao kraće napomene o izložbi i radu žirija.

Izložbu je otvorio Ozren Božanović, predsjednik Asocijacije za umjetničku fotografiju Bosne i Hercegovine, spomenuvši izuzetno uspješnu saradnju Univerzitetskog foto kina kluba i Kulturnog centra Banski dvor u organizaciji velikog broja sjajnih fotografskih manifestacija. On je dalje rekao da je korist te saradnje obostrana, jer je na taj način foto klubu omogućeno da na kvalitetan način u reprezentativnom prostoru organizuje brojne fotografске manifestacije, dok je s druge strane Banski dvor prepoznao kvalitet i profesionalnu organizaciju tih manifestacija i sa tim obogatio samu ponudu kulturnih sadržaja.

Pohvalivši istrajnost organizatora u odabiru teme emocija po kojoj ova manifestacija i

nosi ime, istakao je da se to i ovog puta pokazalo ispravnim s obzirom na izuzetan kvalitet pristiglih radova.

U nastavku svog obraćanja Ozren Božanović je odao priznanje Univerzitetskom foto kino klubu i velikom entuzijazmu njegovih članova, rekavši tom prilikom da način i profesionalnost organizacije brojnih fotografskih manifestacija treba da predstavljaju jedan standard kada je u pitanju organizacija ovakvih manifestacija, ne samo u Bosni i Hercegovini nego i u širem okruženju.

Na kraju treba istaći da je sjajno pripremljena i realizovana projekcija samo upotpunila kompletну sliku o ovoj fotografskoj manifestaciji.



IZLOŽBA FOTOGRAFIJA FOTO SAFARI GRAČANICA 2017

Dugo očekivana postavka izložbe fotografija sa prošlogodišnjeg gračaničkog foto safarija ugledala je svoje svjetlo najbolji mogući način. Organizator izložbe gračanički foto klub sa agilnim Hasanom Puškarom upravo je čekao pravi trenutak da u obnovljenom prostoru za kulturne događaje u naselju Soko u Gračanici priredi ovu izložbu kao početak osvježenja kulturnog života ovog naselja. Sve ono što je činilo ovaj događaj od postavke izložbe, otvaranja, uklapanja u kulturnu manifestaciju koja se upravo odvijala u ovom





ASOCIJACIJA ZA UMJETNIČKU FOTOGRAFIJU BIH
FOTO KLUB GRAČANICA

Foto safari Gračanica 2017



Muzej stara džamija Soko
Gračanica, avgust 2018.

naselju, pa do gostoprимства domaćina, do-
prinijelo je da je manifestacija ostavila neza-
boravan utisak na mnogobrojne goste koji si
ovom prilikom došli iz Tuzle, Zenice, Doboja,
Travnika, Banja Luke... Izložba je postavljena
kao dio manifestacije "Dani Sokola", koju



organizuje mjesna zajednica Soko, koja je
prošle godine bila domaćin foto safarija.
Mirzet Topčakić predsjednik vijeća mjesne
zajednice Soko je istako prilikom otvaranja
izložbe, da je mjesna zajednica Soko uvijek
spremna biti domaćin ovakvim izložbama.
Izložbu je otvorio Ozren Božanović, pred-
sjednik AUFBiH, koji je posebno istakao doku-
mentarnost fotografija koji ostaju u arhivi
Kluba i koje će u vremena koje dolazi pred-
stavljati zabilježeni trenutak ovog naselja, a-
utorski i vremenski neponovljiv.

Nagrade na izložbi su dobili; za kolor foto-
grafiju prva nagrada Mirsad Mujanović, dru-
ga nagrada Alen Štrkonjić i treća Emina Puš-
kar. U monohrom tehnici prva nagrada dodi-
jeljena je Luciji Mujanović, druga Miloradu
Kašćelanu i treća Hasanu Puškaru. Pohvalje-
ne su fotografije Dragana Derviševića, Jasmi-
ne Hopić, Radoje Eleza, Samira Zahirovića,
Slobodana Krstića i Zenira Šuko. Selekciju ra-
dova obavio je Ozren Božanović koji je za iz-
laganje odabrao 84 fotografije od 19 autora.
U prelijepoj staroj džamiji u Sokolu koja je
zablistala obnovljena pored starog grada So-
kola koji čeka da se i on obnovi, kao jedan
od međaša prošlosti BiH, umjetničke foto-
grafije su se više nego uklopile.



IMPRESSUM

FotoPress je press dodatak časopisu Foto Info koji registrovan kod Ministarstva pravde
Federacije BiH pod rednim brojem 653 od 06. 02. 1997.g.
FotoPress uređuju članovi foto kino klubova, foto grupa i sekcija.
www.fotobih.ba - Kontakt e - mail adresa : ozren@bih.net.ba